

## Акафист преподобней Марии Египетстей.

### Кондак 1

Избрáнной от Гóспода во óбраз спасéния всем грéшным и отчáянным, из глубины грехá востéкшей на высотú безстра́стия, похва́льная пéния прино́сим ти, ма́ти преподо́бная, ты же, я́ко имúщи дерзнове́ние к Ще́дрому Бóгу, моли́твами твои́ми наста́ви на стезю́ покая́ния любо́вию тебе зовúщих: Ра́дуйся, чúдо милосéрдия Бóжия, Мари́е равноа́нгельная.

### Икос 1

А́нгела во плóти узрéв тя в пусты́ни Иорда́нской вели́кий Зосíма, на воздúсе стоя́щую и о ми́ре моля́щуюся, со удивлéнием и úжасом одержи́мь весь трéпетом быв, со слезáми вопия́ше тебé таковáя:

Ра́дуйся, благодáти и свéта испóлненная;

ра́дуйся, прозрéния дáром украшéнная.

Ра́дуйся, в моли́тве твоёй на воздúсе стоя́щая;

ра́дуйся, пусты́нное сокрови́ще, от ми́ра утаённое.

Ра́дуйся, безплóтных собесéднице;

ра́дуйся, Дúха Свята́го селéние.

Ра́дуйся, чúдо милосéрдия Бóжия, Мари́е равноа́нгельная.

### Кондак 2

Ви́дящи ста́рца благоговéйнаго, úжаса испóлнена, тixим гла́сом рекла́ еси́ томú, преподо́бная: «Не бо́йся, áвво Зосíмо, несмь дух, но земля́, прах и пéпел, и вся́чески плоть, ничтóже духо́вное когда́ помы́слившая и ни еди́ныя добродéтели имúщая. Женá есмь грéшница, недостóйная взира́ти на нéбо, и со стра́хом грéшными усты́ зовú Бóгу: Аллилу́иа».

## Икос 2

Разумѣти ищѣ дѣвную тайну, в тебе сокровенную, старец падѣ пред ногама твоима, глаголя: «Заклинаю тя именем Господа нашего Иисуса Христа, Егѣже ради наготу носиши сию, не скрый от мене жития твоего, да величия Божия яве сотвориши». С нимже и мы дерзаем убожати тя сѣце:

Радуйся, смиренія свѣтлая высотѣ;  
радуйся, дарований духовных богатство  
неисчерпаемое.

Радуйся, любви ради Божия тело свое умерщвлявшая;  
радуйся, в пустыни непроходней едина с единым  
Богом пребывавшая.

Радуйся, райскою красотѣю сияющая;  
радуйся, безстрастия свѣтом озаренная.

Радуйся, чудо милосердия Божия, Маріе  
равноангельная.

## Кондак 3

«Силою Вышняго укрепляема, исповѣм ти, человѣче Божий, грехи и беззакония моя, — отвецала еси Зосиме, — стыждуся, отче, прости мя, но понеже тело мое наго видел еси, обнажу ти и дела моя, обаче молю тя первее: не бежи от мене, не терпя слышати безместная, яже аз содеях; но, милосердствуя о мне, молися за мя, блудную, и Богу, не возгнушавшемуся мною, зови: Аллилуиа».

## Икос 3

«Имея милосердие неизреченное, с мытаріи и грешники вечерявый, Той и мне, во глубину погѣбели падшей, простре руку Свою Божественную, егда бо возжелѣх аз внѣти в храм Господень, некая сила возбрани ми вход, сердца же моего коснувшийся свет

ра́зума, показá ми т́ину дел мо́их; и нача́х пла́каться о гресéх, в пéрси бию́щи и го́рько рыда́ющи», — си́це рекла́ еси́, Мари́е, мы же, пока́янию тво́емý дивя́щися, пéние прино́сим ти таково́е:

**Рáдуйся,** я́ко но́щи прешéдшей возсия́ ти заря́ спасéния;

ра́дуйся, я́ко глас Христо́в призва́ овча́ заблúдшее от дéбрей грехá.

Рáдуйся, я́ко слéзными то́ки омýбла еси́ вся тво́я сквёрны;

ра́дуйся, я́ко слезáми тво́ими очисти́ла еси́ одея́ние души́ тво́ея.

Рáдуйся, я́ко Оте́ц щедро́т объ́ятия Сво́ея любв́е тебе́ отвёрзе;

ра́дуйся, я́ко Вéдый тво́я та́йная рукописа́ния грехо́в тво́их раздра́.

**Рáдуйся,** чúдо милосéрдия Бо́жия, Мари́е равноáнгельная.

#### **Кондак 4**

**Бúрею** скóрбных помыслóв одержима́, узрела́ еси́ ико́ну Пречы́стия Богома́тери и, стенья́щи, воззва́ла еси́ к Ней: «Повели́, о Влады́чице, да и мне, недостóйней, отвёрзутся божéственнии вхо́ди, и бúди ми Порúчница, да узрéвши Крест Сы́на Тво́его, ми́ра и я́же в ми́ре всего́ отвёргуся и изы́ду, áможе повели́ши мне, зовúщи Бо́гу: **Аллилу́иа**».

#### **Икос 4**

**Слы́шавши** глас, издалéча глаго́лющ: «А́ще Иорда́н прéйдеши, добр поко́й обря́щеши», на колéна па́дши пред Приснодéвою, рекла́ еси́: «О Влады́чице! Не гнуша́ется дéвственная чистота́ Тво́я моя́ недостóйныя

моли́твы, бу́ди ми спасе́ния Учи́тельница,  
руководя́щая на путь покая́ния!» Те́мже у́бо А́нгели  
Бо́жии, напи́сующе испове́дание твоё, возглаша́ху тебе́ в  
той час сицевая́:

**Р**а́дуйся, от тьмы греха́ к чи́стому све́ту покая́ния  
преше́дшая;

ра́дуйся, неисто́вство страсте́й и нечи́стоту́ плотску́ю  
отри́нувшая.

Ра́дуйся, тяжкое бре́мя студи́ны рабо́ты диа́воли  
отве́ргшая;

ра́дуйся, благо́е и ле́гкое и́го Христо́во поды́мшая.

Ра́дуйся, от сме́рти грехо́вныя к ве́чному живу́ту  
возста́вшая;

ра́дуйся, от врат поги́бели ко врато́м ра́я восше́дшая.

**Р**а́дуйся, чу́до милосе́рдия Бо́жия, Мари́е  
равноа́нгельная.

### Кондак 5

**Б**огосве́тлыми луча́ми благода́ти просвещает тя  
Пресвята́я Де́ва, Та бо Споручница грешных к Бо́гу  
су́щи, отверза́ет тебе́ двéри милосе́рдия Бо́жия и врата́  
хра́ма свята́го, воньже вше́дши, со мно́гими слеза́ми  
поклони́лася еси́ Живоно́сному Дре́ву, и́мже мир спасён  
бысть, и распёшемуся Го́споду, Кро́вь Свою́ за твоё  
избавле́ние излия́вшему, благодарственно́ воспéла еси́:  
**А**ллилу́иа.

### Икос 5

**В**идевши та́йны Бо́жия и ка́ко Той гото́в есть  
приима́ти ка́ющихся, всехва́льная Мари́е, воззва́ла еси́  
всем се́рдцем: «Влады́чице Богоро́дице! Не оста́ви  
мене́!» — и устреми́лася еси́ в пусты́ню об он пол

Иордана, мы же, почитающе бѣгство твоѣ, сретѣем тя пѣнии сими:

Радуйся, яко всепрощающею любовію Спаса уранися сердце твоѣ;

радуйся, яко сокровище благодати, тобою приятое, потщалася еси сокрыти в пустыни.

Радуйся, яко мира греховныя сладости скоротечно отбѣгла еси;

радуйся, яко невозвратное шествие твоѣ к небесным на всяк день ускоряла еси.

Радуйся, яко ревностный исход твой дѣмоны опали;

радуйся, яко вселение твоѣ в скорбную пустыню Небеса возвесели.

Радуйся, чѹдо милосердія Божія, Маріе равноангельная.

### Кондак 6

Проповѣдуеши всем падшим и отчаянным, всечестная, Божіе человеколюбие, и являеши силу покаянія, яже грешную дѹшу омывает, очищает, светлит, и возводит горѣ, и веселие творит Ангелом Божиим, с нимиже и мы брѣнными усты зовѣм: Аллилуиа.

### Икос 6

Возсия мiрови от пустыни Иорданскія свет великих подвигов твоих, Маріе приснославная, многая бо лета, аки адамант тверд и столп непоколебимъ пребыла еси, яко со зверьми лютыми, с похотьми твоими борющися и оружіем Креста отражаючи разжѣнныя стрѣлы лукаваго. Сего ради дивящися преестественному терпѣнию твоѣму, любовію зовѣм ти:

Ра́дуйся, я́ко злострада́ния труд в пусты́ни  
четы́редесять и осмь лет понесла́ еси́;

ра́дуйся, я́ко опале́ние со́лнечное и мраз но́щный в  
наготé долготерпéла еси́.

Ра́дуйся, гла́дом и жа́ждею изможда́емая;

ра́дуйся, покрóвом Богоро́дицы от смéрти охраня́емая.

Ра́дуйся, я́ко в борьбé со грехóм, в тебé живúщим, до  
крóве подвизáлася еси́.

ра́дуйся, я́ко всякое пожелáние плóти конéчне  
умертв́ила еси́.

Ра́дуйся, чúдо милосéрдия Бóжия, Мари́е  
равноáнгельная.

### Кондак 7

Хотя́ препя́тие сотвори́ти твоему́ свéтлому к Небесí  
ше́ствию, всеблаже́нная, искóнный враг рóда  
человéческаго не преста́йше влага́ти ти по́мыслы  
нечи́стыя, огонь грехóвный в удесéх твои́х разжизя́я и  
приводя́ тебé на па́мять о́бразы пре́жняго жити́я твоегó.  
Ты же, многострада́льная, поверга́лася еси́ на зéмлю,  
слезáми ороша́ющи ю́ и призывáющи в по́мощь  
Присноде́ву, и не воста́вала еси́ от земли́, дóндеже  
сла́дкий свет осия́ваше тя, воздвизя́я благодарственно  
пéти Бóгу: Аллилу́иа.

### Икос 7

Но́вый челове́к, по Бóзе создáнный, яв́илася еси́,  
преподóбная, умертв́ивши бо всеконéчне вéтхаго  
челове́ка, во Христа́ облекла́ся еси́, всечúдная, за  
седьмáнадесят лет безчи́сленныя бе́ды постра́давши. О  
сем úбо Зосíme рекла́ еси́: «Отгóле же и до днесь си́ла  
Бóжия грéшную мою́ дúшу и тéло смире́нное соблюде́».   
Приими́ úбо и от нас, недостóйных, похвалы́ сицевы́я:

Ра́дуйся, я́ко умертви́ла еси́ страсте́й възгра́ния;  
ра́дуйся, я́ко победи́ла еси́ и са́мое естество́.

Ра́дуйся, я́ко очи́стила еси́ ду́шу и плоть твою́ от  
всякаго греха́;

ра́дуйся, я́ко в хра́мине всели́ся Господь.

Ра́дуйся, я́ко облекла́ся еси́ в оде́жду весе́лия  
духо́внаго;

ра́дуйся, я́ко вошла́ еси́ в ве́чный поко́й Сы́на Бо́жия.

Ра́дуйся, чу́до милосе́рдия Бо́жия, Мари́е  
равноа́нгельная.

### Кондак 8

Стра́нное и пресла́вное измене́ние твоё, преподо́бная,  
ви́дяще, де́монов те́мныя полцы́ го́рько рыда́ху, вся же  
Си́лы Небе́сныя ра́достью игра́юще, песнь Христу́  
воспева́ху, прославля́юще Бо́жие милосе́рдие, грехми́  
людо́скими нео́доли́мое, ве́лиим гла́сом зову́ще:  
Аллилу́иа.

### Икос 8

Вся бы́ла еси́ в Бо́зе, Мари́е всебога́тая, егда́ Зо́сима,  
обходя́ пусты́ню, ви́дети тя сподо́бися. «Заклина́ю тя,  
о́тче, Спаси́телем Бо́гом, да нико́му́же рече́ши, я́же  
слы́шал еси́ от мене́, до́ндеже Бог от земли́ во́змет мя, —  
запове́дала еси́ тому́. — Ны́не с ми́ром отыди́, в посте́ же  
гряду́щаго ле́та причасти́ мя Святы́х Христовы́х Та́ин на  
бре́зе Иорда́нстем». Сия́ ре́кши, а́ки го́рлица  
пусты́ннолюби́вая и неудо́ржимая, от о́чию ста́рца  
скры́лася еси́, той же поклони́ся до земли́ и, облобы́зав  
ме́сто, иде́же стоя́сте но́зе твои́, воззва́ такова́я:

Ра́дуйся, я́ко студа́ грехо́внаго обнажи́лася еси́;

ра́дуйся, я́ко па́че сне́га убели́лася еси́;

Ра́дуйся, я́ко омраче́ние стра́стное препобеди́ла еси́;

ра́дуйся, я́ко па́че луче́й со́лнечных просвети́лася еси́.  
Ра́дуйся, пе́рвее блудни́ца, ны́не же не́вѣста Христо́ва;  
ра́дуйся, я́ко вси греси́ твои́ прощѣни суть у Бо́га.

Ра́дуйся, чу́до милосѣрдия Бо́жия, Мари́е  
равноа́нгельная.

### Кондак 9

«Всяк по́мысл и ум ужа́сают боле́зни твоя́,  
всехва́льная, ка́ко труд пусты́ни любве́ ра́ди Бо́жия  
претѣрпела еси́, — взыва́ше превели́кий во отцѣх Зоси́ма,  
рыда́я. — О, ма́ти духо́вная! Ты Бо́гу прибли́зилася еси́,  
хотѣл бых, а́ще бы мо́жно ми бы́ло, во след тебе́ ходи́ти,  
и зрѣти честно́е лице́ твоѣ, и кúпно с тобо́ю немóлчно  
пѣти: Аллилу́иа».

### Икос 9

Ветѣйство земноро́дных не довлѣет к досто́йному  
похвалѣнию твои́х по́двигов, всечестна́я. Кто же дово́лен  
изрещи́ слѣзные то́ки, я́же проли́яла еси́ в моли́твах к  
Бо́гу, кто боле́зни твоѣ изочтѣт, кто испове́сть всенóщная  
бдѣния, борѣния и тесноту́ жити́я твоего́? Пусты́ню всю  
чудесы́ просвети́вши, я́ко со́лнце, просия́ла еси́,  
всечу́дная, тем у́бо мо́лим тя: озари́ луча́ми све́та твоего́  
сердца́ на́ша и испроси́ оставле́ние грехо́в всем  
вопи́ющим тебе́ тако́вая:

Ра́дуйся, помраче́нный о́браз Бо́жий в све́тлости  
вели́цей в себѣ возо́бразившая;

ра́дуйся, смра́да греха́ избѣгши, небе́сными арома́ты  
благоуха́ющая.

Ра́дуйся, звезда́ми чудес украше́нная;

ра́дуйся, луча́ми добродѣ́телей сия́ющая.

Ра́дуйся, вели́чия Бо́жия всем конце́м земли́  
благовеству́ющая;



ра́дуйся, не́бо и зéмлю к пéнию сла́вы Го́спода твоего́ призыва́ющая.

Ра́дуйся, чу́до милосéрдия Бо́жия, Мари́е равноа́нгельная.

### Кондак 10

Спаси́теля Бо́га Животворя́щая Те́ло и Кро́вь взéм, в день та́инственныя Христо́вы Вéчери áвва Зоси́ма по завещáнию твоему́, преподо́бная ма́ти, в вéчер зело́ по́зден изы́де на брег Иорда́на, неукло́нно в пусты́ню лу́нным свéтом осиява́емую, зря и моля́ся к Бо́гу, глаго́лаше: «Покажи́ ми, Го́споди, сокрови́ще Твое́, е́же в пусты́ни сокры́л еси́! Покажи́ ми а́нгела во плóти, да не оты́ду тощ, нося́ моя́ грехи́ на обличéние, но да ра́дуюся, зову́ Тебе́: Аллилу́иа».

### Икос 10

Стéну непрохо́дну мýсляше ста́рец бы́ти Иорда́н ре́ку междú ним и тобою́, преподо́бная; обáче ты, ста́вши на бре́зе да́льном, зна́мением крéстным Иорда́н осени́ла еси́ и с моли́твою пошла́ еси́ по воде́, áки по сýху. Зоси́ма же, ви́дев тя, грядúщу по вода́м Иорда́нским, ужасéся и радостне вопия́ше тебе́:

Ра́дуйся, го́рняго ра́я Бо́жия обитáтельница;  
ра́дуйся, я́ко тварь повинúется велéнию твоему́.

Ра́дуйся, я́ко Иорда́н тебе́ слúжит;

ра́дуйся, я́ко луна́ и звéзды дивя́тся святи́не твое́й.

Ра́дуйся, си́лы Бо́жия дивное проявлéние;

ра́дуйся, Бо́га Жива́го хра́ме одушевлéнный.

Ра́дуйся, чу́до милосéрдия Бо́жия, Мари́е равноа́нгельная.

### Кондак 11

«Пѣние подобает тебе приносѣти Всемо́гущему Бо́гу, авво, — рекла еси́ томѹ, по водѣ шѣствующи. — Что творѣши, священник сый, како́ хощеши кланятися мне, убозей, сам носяй страшныя Тайны Хри́ста́ Бо́га! Имже вѣрою и любовью поклоняющися, прах и земля́ сѹщи, со страхом зовѹ: Аллилу́иа».

### Икос 11

Свѣтом небѣсным блистающѣся, причастѣлася еси́ Божѣственных Таин и радости премѣрныя исполнившися и на небо рѹце воздѣвши, рекла еси́: «Ны́не отпу́щаеши рабѹ Твою́, Влады́ко!» Обращшися же к старцу, вещала еси́: «О, авво Зосѣмо! В грядѹщее лѣто́ узриши мя па́ки в пустыни, яко́же хощет Господь. Моли́ Его́ о мне, отче мой, моли́, помина́я всегда́ моѣ ока́янство». И па́ки Иорда́н зна́меновавши, прешла́ еси́ верху́ воды́, старец же, не сме́я надолзе держа́ти тя, стѣня и рыда́я, взыва́ше во след тебе́ тако́вая:

Ра́дуйся, ме́ртвость Го́спода Иисѹса в теле́ нося́щая;  
ра́дуйся, Воскресе́ния Его́ сла́вою сия́ющая.

Ра́дуйся, благода́тию, яко́ ризою́ све́та, облече́нная;  
ра́дуйся, светоза́рная оби́тель Всесвяты́я Тро́ицы.

Ра́дуйся, яко́ силы́ а́довы́ ужа́саются и трѣпещут сла́вы твоея́;

ра́дуйся, яко́ А́нгели Бо́жии дивя́тся чистоте́ твоѣй.

Ра́дуйся, чу́до милосѣрдия́ Бо́жия, Мари́е равноа́нгельная.

### Кондак 12

Благода́тию Божѣственною окриля́ема, во един час долготѹ́ пустыни прешла́ еси́ и в ночь спасѣтельныя Хри́стовы Стра́сти, по причаще́нии Божѣственныя Тайныя Вѣ́чери, сном святы́м усну́ла еси́, о ми́ре

молящися, и дух твой Господу предала еси, Ему же со ангелы в неисповедимей радости зовёши ныне: Аллилуиа.

### Икос 12

Пою надгробное пение, богомудрый Зосима нозе твой честней слезами омываше, и много молився, покры тело твоё землею, наго сущее и ничтоже имущее, точию ветхую мантию, юже исперва тебе даде, радостию и страхом многим одержимъ, величию Божию дивясь, стояше, зовый к тебе таковая:

Радуйся, яко, чадо света сущи, прешла еси к Свету невечернему;

радуйся, яко дух твой с веселием прияша сонмы святых.

Радуйся, яко тело твоё упокоися в во гробе, иже лев от пустыни тебе ископа;

радуйся, яко тобою показа нам Господь, колико отстоим от меры совершенства.

Радуйся, постников высотó и преподобных славо;

радуйся, о всем мире к Богу ходатаице.

Радуйся, чудо милосердия Божия, Марие равноангельная.

### Кондак 13

О, преподобная мати, богоблаженная Марие! Приими от нас ныне приносимое тебе моление и, Свету неприступному предстоящи, молися Всещедрому Богу, да по велицей милости Своей, низпослет светозарную благодать покаяния всем нам, заблуждшим чадом Небеснаго Отца, да, от греха к отеческому дому востекше, в райских селениях сподобимся вкупе с тобою во веки благодарственно пети Ему: Аллилуиа.

## Молитва

О, великая Христова угоднице, преподобная мати Маріе! На Небесі Престо́лу Бо́жию предстоящи, на землі же ду́хом любве́ с нами пребыва́ющи, иму́щи дерзнове́ние ко Го́споду, моли́ спасти́ рабы́ Его́, к тебѣ с любóвию притека́ющія. Испроси́ нам у Многомíлостиваго Влады́ки и Го́спода на́шего ве́ры непоро́чное соблюде́ние, градо́в и все́й на́ших утвержде́ние, от гла́да и па́губы избавле́ние, скорбя́щим утеше́ние, недугу́ющим исцеле́ние, па́дшим возста́ние, заблуждшим вразумле́ние, в де́лах благи́х преспе́яние и благослове́ние, сирота́м и вдови́цам заступле́ние и отше́дшим от сегó жити́я ве́чное упоко́ение. Буди крѣпкая ходатаица, дивная мати Маріе, во е́же все́м нам в день Стра́шнаго Суда́ десны́я страны́ общники бы́ти и блаже́нный глас Судии́ міра услы́шати: прииді́те, благослове́ннии Отца́ Моего́, насле́дуйте угото́ванное вам Ца́рствие от сложе́ния міра. Ами́нь.